



# Cumün d'Ardez

Sezzüda da la suprastanza nr. 02/09 dals 10-02-2009

**Preschaints:** la suprastanza cumünala e la chanzlista

## Tractandas:

- |     |  |     |
|-----|--|-----|
| 1.  | Approvaziun dal protocol dals 14-01-2009           |     |
| 2.  | Scul magazin forestal                              | 522 |
| 3.  | Vendita chascharia – bacharia                      | 523 |
| 4.  | Inauguraziun palc                                  | 524 |
| 5.  | Attachs da üert                                    | 525 |
| 6.  | Organisaziun Chalandamarz                          | 526 |
| 7.  | Tour posiziun a regard zonas protecziun da plantas | 527 |
| 9.  | Dumonda da la gruppa da gö                         | 529 |
| 10. | Dumonda da fabrica Lukas Rahm                      | 530 |
| 11. | Orientaziuns e varia                               |     |

1. **Approvaziun dal protocol dals 14-01-2009**  
Il protocol dals 14-01-2009 vain approvà unanimamaing.

## IMMOBIGLIAS

28.

2. **Scul magazin forestal** 522
- Il schef forestal orientescha cha i'l magazin forestal nu saja avantman ingün scul. L'inviern cun metter aint ils autos cun sù naiv i'l magazin alqua quella e l'aua per terra nu po scular. Las curunas da fier perdan tras quai la culur ed eir las s-chaffas da lain vegnan donnagiadas. I fa dabsögn d'ün scul per evitar tals dons. I'l preventiv nu d'eira previs quist'investiziun, causa cha quist problem es gnü visibel pür uossa. Ils cuosts pel scul e l'adattamaint dal fuond importan var fr. 3000.00. La suprastanza discuta la chosa.

Decisiun: La suprastanza cumünala conceda il credit da fr. 3'000.00 per far il scul e l'adattamaint dal fuond i'l magazin forestal.

3. **Vendita chascharia – bacharia** 523
- Il schef stabilimaints orientescha chi's vaiva publicchè i'l Mas-chalch la vendita da la chascharia – bacharia. Entradas sül termin dat, sun 3 annunzchas. Il schef stabilimaints fa la proposta da laschar inoltrar offertas per la cumprita da la chascharia – bacharia. Per la vendita da la chascharia – bacharia d'eira gnü büdschettada ün entrada da fr. 65'000.00. La suprastanza discuta sur dal proceder d'üna eventuala vendita. Implü vain discus sur dal stadi da la bacharia.

Decisiun: La suprastanza decida da laschar offrìr als interessents. Implü dëssan quels comunicar per che scopo cha l'object gnis utilisà.

## SCOULA

31.

4. **Inauguraziun palc** 524
- La scheffa educaziun fa la dumonda schi nu füss salüdaivel d'inaugurar officialmaing il palc. Bleras persunas han contribui raps vi dal palc, sco ingrazchamaint as pudessa invidar a quellas per l'inauguraziun. I vegnan fattas diversas propostas. La suprastanza discuta quant chi's pudess spender per quista chosa ed eir cura chi's pudess far

l'inauguraziun. Il plü favuraivel füss il termin davo il teater ed avant il concert da la musica concordia.

Decisiun: La suprastanza dà la cumpetenzza a la scheffa educaziun da tscherchar ün trattegnimaint ed organisar l'aperitiv. Cur cha la scheffa ha propostas concretas vegnan quellas preschantadas a la suprastanza.

## Taxas

10.03.3

### 5. Attachs da üert

525

Il capo orientescha cha'ls quints da las taxas pauschalas sajan gnüts tramiss. Pendent sun amo alchüns cas specials. Ün problem es, cha duos üerts sun tachats vi da l'istess attach da üert. In ün oter cas es avantman ün attach per 3 differentes üerts.

Decisiun: La suprastanza cumünala decida d'inchaschar la taxa annuala pauschala per üerts confuorm als art. 17 e 20 dal reglamaint d'aua (text da l'iniziativa acceptà da la radunanza).

## ORGANISAZIUN CUMÜNALA

16.

### 6. Organisaziun Chalandamarz

526

Il capo orientescha cha fin uossa gniva offri il vin chod da Chalandamarz adüna illas ustarias, tras quai nu gniva uschè blera glieud. Per promover chi gnissan daplür persunas a baiver il vin chod tradiziunal, fa il capo la proposta da servir quel sün scoula davo la festa da chalandamarz. La suprastanza discuta la chosa.

Decisiun: La suprastanza cumünala decida d'offrir quist on il vin chod sün scoula.

## PROTECZIUN DA L'AMBIANT

34.

### 7. Tour posiziun a regard zonas protecziun da plantas

527

Il capo orientescha cha da l'Uffizi per la natüra e l'ambient saja gnüda la consultaziun dal "Smaragd-Netzwerk" cul giavüsch da tour posiziun. Pro'l "Smaragd-Netzwerk" as tratta da zonas da protecziun per trais plantas fich raras. La dumonda es perchè chi fa dabsögn da quistas zonas cun quai ch'üna gronda part es fingià reglada tras il concept da colliaziun. Il schef infrastruttura sclerischa ils detagls cun sar Hartmann da l'Uffizi per la natüra e l'ambient e preschainta la resposta a la suprastanza.

## PROVEDIMAIN SOCIAL

13.

### 9. Dumonda da la gruppa da gö

529

Il capo orientescha cha la gruppa da gö haja fat la dumonda da pudair dovrar il büro vöd illa chasa cumünala sco local per la gruppa da gö. Quel local gnis utilisà d'ürant ün mez di l'eivna. Il capo orientescha chi's stess tour oura la maisa e cha'l material gnis deposità illas s-chaffas chi sun avantman e per part eir aint il local. La suprastanza discuta la fatschenda.

Decisiun: La suprastanza decida da laschar dovrar il büro a la gruppa da gö, la cundiziun dess esser cha'l büro saja adüna rumi sü ed in uorden in cas cha quel gnis utilisà eir amo per alch oter. Schi gnis ünsacura dovrà il büro permanent, stuvevess gnir tscherchè ün'otra soluziun per la gruppa da gö.

## Dumondas da fabrica

05.03

## 10. Dumonda da fabrica Lukas Rahm

530

Il schef da fabrica orientescha cha sar Lukas Rahm haja fat la dumonda da demontar la lobia da la chasa no. 26 a Bröl e da far üna nouva. L'intent d'eira publichà dals 13-12-2008 fin 03-01-2009 protestas nu sun entradas ingünas. La cumischiun da fabrica ha trattà l'intent e propuona a la suprastanza da conceder il permiss da fabrica. La suprastanza discuta la chosa.

Decisiun: La suprastanza cumünala conceda il permiss da fabrica.
--

## 11. Orientaziuns e varia

### 11.1 Brunch 1. avuost 2009

Il capo orientescha ch'el saja gnü orientà da la società da gymnastas, ch'ellas nu fetschan dal 2009 il brunch. La società da musica es pronta da surtour l'ustaria da la saira. La dumonda es schi's voul desister sül brunch o tscherchar inchün oter chi fess quel. La suprastanza decida da far üna publicaziun i'l Mas-chalch.

### 11.2 Radunanza generala EKW

Il capo orientescha chi saja gnü l'invid per la radunanza generala da l'EKW e fa la dumonda chi chi haja interess da tour part. A la radunanza van il capo ed il vice-capo.

### 11.3 Volg acziun glied chi vegn nanpro

Il capo orientescha cha'l Volg haja dumandà scha'l cumün füss pront d'allegar illa charta da salüd per mincha persuna chi vegn nanpro, ün bun da 10% per la prosma cumprita i'l Volg. Al cumün nu resultessan ingüns cuosts. La suprastanza decida da tour part a quist'acziun.

### 11.4 Ordinaziun executiva Curtinatsch

Il schef da fabrica orientescha chi saja amo da metter in vigur l'ordinaziun executiva. Quai dess gnir fat prosmamaing.

26-02.-09

In buna fai

La chanzlista:

Il capo: